

四庫全書

集部

欽定四庫全書

集部

攻媿集卷十四至十六

詳校官右中允臣薩敏

主事臣呂雲棟覆勘

總校官庶吉士臣倉聖脉

校對官中書臣牛稔文

謄錄監生臣任應統

欽定四庫全書

攻媿集卷十四

宋樓鑰撰

今體詩

趙路鈴

不枯

輓詞

蚤歲游金闕霞冠拜紫宸
可堪天寶亂及見會昌春
宛宛王孫態飄飄物外身
靈光愴陳迹遺老更何人

諸父論交久忘年許預盟
登山陪躡屐泛月共飛觥
來

往開三徑安閒羨一生山深淒蘼露愁憶醉歌聲

姜總管

浩輓詞

及見開元盛曾聞正始音雕蟲徒壯歲冠鵬豈初心論
事風生席疏恩帶錫金精神空滿腹愁絕病沈沈
富盛俄遭變艱難却起家田園新活計詩禮舊生涯仙
桂應傳秀庭蘭更茁芽真歸了無恨超微妙蓮華

祝通判

鐔輓詞

坦坦曾無我休休早見幾虛舟寧忤物抱甕自忘機老

去心逾壯歸來事已非賞延推不及有子尚家肥
花縣弦歌化蓮城水竹居舊寮情意厚近別音信疎不
作三刀夢空垂別駕車新阡何處是東望倍欷歔

表參議

子紹

輓詞

累世朱陳舊宦游多向鄞飛鳧觀政美展驥愈情親久
草歸田賦欣迎入幕賓斯人忽千古望斷剡溪濱

玉立期清貴龐眉望壽齡父兄嗟奄忽姑姊亦凋零厚
德今誰在佳城慘欲扃孫曾聞競莢蘭玉在階庭

朱坡史居士輓詞

巖邑富人物才惟史氏多
流傳有丹桂遺逸嘆朱坡
學飽終難售詩成祇自哦
空餘著書在令子挹餘波
交友俱名士儀曹禮意周
使華臨夏口詩興共南樓
喜得江山助還同汗漫游
更煩賢宅相相與發潛幽

戴縣丞機輓詞

小戴久仙去何堪更哭君
舊遊驚昨夢陳迹愴遺文
晚暮期相與死生俄遽分
銘成媿贊德揮淚望新墳

高士終為薄豈惟勾小稽鸞鳳雖在棘桃李自成蹊官
府資闕決儒流仰品題定知餘慶遠遺愛滿雙谿

方興化

叔珪

輓詞

廟乏著靴鬼夢中言更明起家尤感勵為吏極廉平薦
口聲名重朝行去就輕奏篇真確論何日遂施行

鴈塔深論契鵷班試著行參亡聞易簣越弔後除喪支
郡難留鄧佳城久夢方吁嗟德浮位回施與諸郎

戴迪功

應龍

輓詞

猶記天街會同為乳竇游姻家頻會聚親意愈綢繆吉
德宜多壽奇疴竟不瘳無由見安道汎雪悵回舟

好學數仍奇躬行家遂肥時將詩自樂晚悟世俱非教
子惟黃卷高門看綠衣阿連悲未泯無淚為君揮

王通判琰輓詞

世篤青箱學駢駟更著鞭半山分近派巖壑誦新篇竹
馬迎雙舄棠陰憶二天黃扉伸謹論風節尚翹然

才具盍時用拂衣俄去之善藏經世手回施稱家兒羸

博延陵恨人琴子敬悲連年事如許天道杳難知

姜鍾離 柄輓詞

門戶期興起交朋務琢磨反身求大學決意取儒科贊
府聲尤著鄰封惠亦多傷心濠上路無復聽絃歌

別去期三載伻來痛一書死生誠大矣力量果何如平
日真知我遺言苦問予作銘雖不愧回首自歎歔

顧養直 義剛 輓詞

萬頃東湖下曾門起大家子孫昌世業文字作生涯堂

後萱猶樹庭中桂欲華惜哉時不待誰忍送悲笳
舊向君家去宜齋屢舉觴人常誦諸顧里不見他楊身
世驚春暮湖山愴夕陽園林未成趣鷗鷺亦淒涼

李度支

嘉言

輓詞

忽作堂堂去門前雀已羅夢隨彈指斷事向蓋棺多心
繫六州鐵身傾千丈坡喑喑晝夜哭奈此敬姜何
孰匪同升素君子我最親詞章傳自舊翰墨恍猶新別
去情逾篤歸來迹遽陳無從效經紀悲結淚沾巾

何司業 伯謹 輓詞

頃歲遊孤嶼名門說二何胡為終壁水自合上鑾坡
器重連城價心澄古井波傳家衣鉢在哀哀並儒科
骭麟陽司業作州如理家源流知有自悃悞信無華
方喜亨途遠俄驚暮景斜傷心傾蓋舊何處望東嘉

王遂安 時叙 輓詞

淮水古王氏生平熟義方三珠欣競秀兩桂早聯芳
才大用何嗇源深流自長青氎傳令子一箭取雙鶻

問學自冰翁詞章聳巨公不慙循吏傳真有古人風
捫蝨書猶在飛鳧迹遽空人琴悲子敬三讀愴深衷

周左司頤輓詞

從政心無愧敢言人所難精忠憂世切清節照人寒
交臂失持素乞身終考槃老成今已矣西望淚洊瀾
乙丑慈恩會今幾六十霜輶車來握節相府記傳鴈
詩數懷高隱郵筒見短章不堪千里隔丹旌想飛揚

蘓江陰十能輓詞

萬卷蟠胸次千篇秀筆端朝行期奮迅賢路竟艱難雖
號循良守欠為文字官遺編幸無恙留與後人看

伊昔初傾蓋摛文已甚工親聞南澗語謂有魏公風既
往言多驗歸來道更窮誨言非教佞後裔報宜豐

魯少卿言輓詞

棣萼儀駕綴翛然兩鬢斑時清嗟歲晚遊倦得身閒人
在羲皇上經傳伯仲間桂枝芳未已何止倍燕山

六十
年間

登科者
十人

前輩風流泯靈光獨巋然指困推甲族跪履記丁年有
子傷埋壁惟翁亦蛻蟬功名雖已矣千載尚遺編

陸郎中 沅輓詞

壯歲聯雙捷衰年困百罹肉身心佛子霜髮貌嬰兒萬
事幾樽酒百年千首詩浮生成夢覺吾道竟何之
從弟忝東牀相從二十霜人琴一何苦冰玉兩俱傷別
久成今昔歸來失老蒼稽陰終反葬西望倍淒涼

梁仲蒼輓詞

延賞高三讓殊科擅一鳴元賓文未極長吉記先成妙
語遺膏馥玄談悟死生行人痛埋壁父子若為情
人物如君少相期上石渠博文該四部篤學富三餘淚
盡知無及交深未覺疎何時酌墳草細讀茂陵書

王檢正回輓詞

到處稱循吏星軺復郡侯威名致降虜恩信感亡牛省
闔主公議祠庭尋舊遊善人天不慙愁絕峴湖秋
客授蒙傾盖朝參喜綴班開藩才一水去國遂千山晚

遇名方重言歸鬢未斑功名付諸子含笑謝塵寰

彭宣義

汝知子復之父

輓詞

種德不在大至誠天所親但能存一念何用活千人經
笥儒風遠香山句法新功名付兒輩不必在吾身
籍甚清湘守修名所在聞宦途資畏友家訓仰嚴君歸
路飛丹旆長空慘白雲生芻不成奠揮淚想江濱

朱婺州

安國輓詞

治行古循吏風稜真諫官鋤姦清遠徼持重息羣讎久

弄趙堯印重彈貢禹冠去天纔尺五惜不見長安

莫銅陵堂輓詞

經學高餘子躬行慕古人儒風三葉秀和氣一門春
台嶺漸摩久銅官撫字均庠東亡二老凝望淚沾巾

張泰州禮本輓詞

燕趙多奇士如公名不虛胸中九域志筆底百家書
報國心尤壯籌邊智有餘功名竟齎恨西望倍欷歔

徐季節輓詞

公府推徐穉山陽薦仲車盛時遺此老沒世竟窮廬行道嗟無命傳家幸有書魯山終不識撫卷倍歎歔

周德遠輓詞

家世傳儒業鄉邦聳義風將迎無倦色交友盡名公太學飛聲早浮生轉首空怡如堂下月猶照紫荆叢

汝能之兄

余承彥輓詞

戶外諸生屨門前長者車柳袍空自染瓶粟竟無儲隱行刑宗黨清風照里閭沈冥誰為表賴有子雲書

李堯卿

唐佐
輓詞

里社久相從，知君陰有功。
救人多藥喜，持論耻雷同。
素業諸郎在，浮生一夢空。
淒涼宋清傳，健筆媿河東。

方運使

有開
輓詞

聖主一見決孤忠，自致身籌邊。
滿軀膽處事，掇皮真氣直。
老彌壯言高，用未伸留屯。
十二事公論付淮民。

王觀國

觀
輓詞

晚識三株樹，方知獨笑翁。
舊遊虧半面，遺恨想高風。
小

楷墨猶濕殘膏澤未窮梅花縞寒夜埋壁衆香中

沈朝奉

雲章宜輓詞之

相業富青箱丁年稔義方生兒有如此與世遂相忘終
老三牲養凌晨一炷香浮休了無恨流慶尚深長

孫子才輓詞

身後名何用人亡意愈深蓋棺悲昨夢掛劍答初心潛
德仍能發遺言尚可尋悼元情更切接隴柏森森

潘安仁懷

舊賦既興慕於戴侯亦悼元而哀嗣墳累累以接隴柏森森以攢植元謂道元楊戴侯之子也

梁運使輓詞

風月詩千首烟霞宅一區三年著朝蹟一節儉亭途南
海瞻遺堞西門破老巫才高不盡用無地寄長吁

翁府君輓詞

骭髀翁夫子高才噤不施牀頭癡叔易夢裏阿連詩德
喪嗟何及天胡不慙遺清風終未泯吹折謝庭芝

徐府君輓詞

孺子人如玉功名不在身死生齊物外孝友篤天倫已

有傳家子曾充觀國賓他年芳五桂傷不見靈椿

魏監丞

叔玠輓詞

元老餘風烈優游挹美官朝行喜銀艾鄰好許金蘭醫
謾肱三折生惟指一彈難兄秋夜感風雨舊盟寒

族兄道州輓詞

出守春陵遠相思瀟水深精神雖滿腹撫字亦勞心人
去成一古書來失萬金懷哉季公諾已矣漢碑陰

周太博

汝能輓詞

雨漲雙溪水風高五柳堂
論交成莫逆撫事祇堪傷
訪雪無回櫂面山空夕陽
亂鶯穿綠樹誰復為傳觴

寧海駱君季友輓詞

古易人皆學惟君志益堅
研硃滴秋露讀簡斷韋編
空谷甘無用佳兒尚有傳
清風誰得似竹滿卧牀前

臧溫叟春卿輓詞

白首行逾恭鄉評敬此翁
心開上池水氣襲舞雩風
禮貌諸公厚聲華一瞬空
臧孫知有後三世著陰功

陸宣城梓輓詞

奕世承家學諸公薦吏能政傳花縣美心與練江澄易
簣去何速攀轅悲不勝傷哉羸博葬淚盡老延陵

寧海劉君

次臯
之父輓詞

不識紫芝眉空傳有道碑義方真可法閭室豈容欺未
覺山川改深明晝夜知薤歌慙不稱冢子素能詩

宋南雄介輓詞

二宋久云遠遺風君庶幾才華試文戰政譽藹王畿梅

嶺方騰最雪谿俄賦歸情親今已矣老淚不勝揮

莫子執

珪輓詞

樂有父兄賢談經絳帳前桂林孤素志芹泮老遺編小
阮情何切童烏業未傳棹閒最崇篤口口語齊年

繆伯恭輓詞

我實由汪出垂髫托外門非惟拜先德猶及見新婚謹
厚推鄉曲恩慈篤弟昆善人今已矣餘慶在兒孫

吳通判輓詞

一死交情見鄉評重此翁素車奔夕夢繡被落天風身
任朋僚責心忘尺寸功母書卓行傳非介亦非通

趙縣丞

彥常輓詞

玉立佳公子哦松始戍瓜拳拳飭邊瑣寸寸畫江沙慷
慨志憂國清修僧在家送行詩尚濕身世遽空華

石通直

莊問純度之父輓詞

籍甚新昌族真成萬石家源流端有自悃悞更無華奉
職冰同潔持身璧不瑕慶門傳未艾蘭玉茁新芽

胡監嶽

祇叙
輓詞

賦就八叉手文高三折肱青衫雙鬢雪黃卷短檠燈夢
斷采芹水神淒下馬陵諸郎追五桂洗眼看飛騰

趙司戶

琇夫
輓詞

奕奕佳公子詞場早策勲願為新進士終屈病參軍舊
事成清夢高標想斷雲傷心桑落酒無復到孤墳

端明殿學士王公

希呂
輓詞

片言寤主上亨途幾向專城佩左魚羊陸遐衝雖坐折

高文宿憤竟誰攄平時屢草千言奏垂絕猶騰八難書
漢殿履聲今已矣兩州遺老倍欷歔

短檠鐵硯用功深萬卷蟠胸不輟吟故國遁身來濟岱
壯年發藻向儒林愛民利物平生事憂國忘家一片心
史館頃年陪潤色挽公無路涕盈襟

陳文恭公

康伯

輓詞

唐虞千載道重光奕奕元臣任贊襄謝傳風流冠江左
晉公威譽比汾陽折衝曾不勞聲色輔政惟先振紀綱

天意高高誰可問，坐令邦國歎云亡。

德量汪汪萬頃陂，直將去就佩安危。干戈雖在相尋日，
休沐宛如無事時。奏罷未聞宮漏轉，歸來俄見哲人萎。
哀榮終始誰能及，百世旌忠頌德碑。

王修撰輓詞

十載頻褰刺史帷，名卿風裁映紳綏。慶門共仰聯三鳳，
禁路咸嗟欠一夔。神武衣冠終遂志，平泉花木總成詩。
傷心積翠樓前月，斜入欄杆欲向誰。

賤子何能值一錢
夫君子我獨知憐
樽壘談笑幾侵夜
琴劍周旋不記年
此去空懸徐孺榻
重來無復孝廉船
百身願贖嗟何及
哀涕霑襟如迸泉

何內翰

溥輓詞

豪奪錦標天下聞
慨然有志整乾坤
諫坡論事言皆合
帝幄談經道益尊
千古高文在鼇禁
一時名士上龍門
經綸未究身先死
痛惜誰能作九原

潘大卿輓詞

直上青雲不作難壯年何事掛衣冠功名已矣乖時望
風節翹然見歲寒鴻去冥冥矰不到蝶飛栩栩夢驚殘
傷心耆老今無有留得遺編向後看

張運使孝仲輓詞

惠周劍外與淮南歸卧空山且避讒宴坐幾年期不死
臨時一著信非凡不應杜叟東高閣真使謝鯤居石巖
欲向西陵尋宿草秋風何日送歸帆

魏郎中熊夢輓詞

相公鐘鼎蔽詩聲鯉也聞詩早得名高隱碧谿心更遠
今遊湘浦句尤清握蘭未足酬吾志攬轡寧知老此行
今日哭君誰最切山房門下老門生

姜祕監

師仲輓詞

文筆無勞巧剪裁一時妙斲冠蘭臺王楊仕宦曾相接
游夏淵源有自來治獄心知有陰德立朝人歎有餘才
功名回施與孫子公亦何為不豫哉

久聞政績最淮淝鄮嶺循良親見之梓里尚遺前日愛

棠陰還長舊年枝釣璜方兆非熊卜
曳杖俄興梁木悲
千里佳城空望斷他時歸哭峴山碑

李公執輓詞

乃翁志欲卧烟霞宅枕清江欲泛槎
心地共知容渤海
夢魂曾不到京華伯魚久矣聞賢訓
魏子端能起外家
彌望三江梁下水隴西德澤信無涯

未甘辛苦去朝天故作逍遙陸地仙
老子平生萬事足
人間五福一身全厭看日月同奔驥
擺脫塵凡等蜣蟬

重到江頭人不見曉風吹淚忽潸然

莫將仕 隨 輓詞

自嘆清才久陸沈晚從內典用工深諦觀炯炯死生際
寧復紛紛利祿心載酒今誰問奇字遺經古亦勝黃金
十年契濶遽如許老淚臨風自不禁

樊運使

光遠輓詞代人作

妙齡便有老成風孝友丹心天與通師友淵源得西洛
文章聲價冠南宮固知夫子才難用猶喜先生道不窮

他日鳳泉山下路幾人下馬拜塋中

樊侯勲德佐中興百世兒孫尚典刑闔境民蘓御史雨
列城人仰使君星憲臺嚴冷獨裁豸道院清閒誰掣鈴
謠頌洋洋在人耳不須樂石更刊銘

戴縣丞樟輓詞

蚤歲鄉書薦弟兄羨君再舉上青冥藍田方欲新漫壁
處士寧知卻應星忍向伯高將束帛誰從小戴授遺經
佳城得卜真前定忍看一翁衰淚零

伍主簿

景善

輓詞

好賢元不減緇衣客到公家如所歸
二浙聲名三鶚薦
四山風物一翬飛
桑榆冉冉身先蛻
蘭玉森森家正肥
人有百身寧可贖
發棠誰復濟齊饑

由來風誼獨穹然
坐享家肥不計年
墮幘何妨分百萬
指囷寧復問三千
靈椿老矣仁宜壽
玉樹種成身已仙
哀哀公侯殊未已
正應含笑入重泉

晚年朋舊益凋零
歎絕斯人奠兩楹
不忍銜悲讀佳傳

可堪回首念平生交情君獨全終始人物誰能繼老成
清此楚魂招不得朔風淒切淚縱橫

安恭皇后輓詞

天作周文合禕揄禮可觀屢陪金輦幸幾奉玉卮歡吳
女簪新柰梁房掩舊蘭春深蠶事起誰復上桑壇

鬱鬱南山路傷心鳳翼紅哀歌淒薤露秘殿掩椒風故
劍恩雖厚中璫事已空但餘彤史筆內傳紀陰功

又代人作

玉勝標祥兆祿衣配至尊柔儀高馬鄧盛德邁娥嬀鸞
掖空陳迹霓軒服厚恩傷心臨七夕素柰已花繁

圖史懷規鑒篇章妙翦裁承歡方秘殿委化已泉臺幽
壤湖濱秀清笳日暮哀未央當月望不見翟車來

齊國夫人曹氏

趙知宗之母

輓詞

痛哭王孫去南來萬里餘解衣催艇子扶杖擁籃輿已
矣空鸞鏡誰歟得鴈書辛勤立門戶地下勿教虧

宗子今曾子夫人古敬姜邛邴承孝養浯水刻恩章湯

沐封逾寵芝蘭晚更芳九齡天報遠餘慶尚流光

齊安郡夫人金氏

趙左司公碩之室

輓詞

避地供湯餅當筵接縞衣倉皇奉神版巖險遜征騑遇
事智尤敏相夫家寢肥考終無可憾蝶夢遶芳菲
五子俱英發尤知仲氏賢勤明真世濟廉儉信家傳別
乘徑為郡高城欲捍邊版輿俄棄養事業待他年

太淑人葉氏

單侍郎發之母輓詞

婦職躬蘋澗芳年誓柏舟壺儀全肅睦梵行極清修貝

葉開空性神篋豁病眸飄然指歸路淨觀日西流
為國生賢子三遷備母慈版輿崇色養從素勉論思戲
舞老萊子平反雋不疑孝心天罔極腸斷蓼莪詩

太令人趙氏

王師栲之母

輓詞

令德比鴈鳩芳年誓柏舟承歡猶有戀曠達了無憂方
奉平反笑俄成汗漫遊哀榮誰得似同穴樂哉丘
姻婭託三槐同朝得往來迎春煩設席舉壽荷攜杯京
尹俄遭難都人亦助哀琅琅垂絕語烈婦信高哉

從姑太令人輓詞

伯祖八賢女惟姑壽且康又聞歌薤露誰復是靈光采藻空南澗生萱愴北堂平生好心地持以遺諸郎

太恭人劉氏

王台州之母

輓詞

籍甚成天助薰然藹婦容家肥身愈約福備禮彌恭上壽九開宅湛恩四受封何人紀遺德女壻正乘龍

衛氏一兒足他人總不如一麾欣義檄千騎擁潘輿台嶽傷歸旆青山滿送車佳城流慶遠旁可萬家居

太令人軒氏

趙山甫母自號覺菴居士輓詞

緣斷身先隱年侵鬢未華死生猶曉夢富貴更空花佛
祖親提印兒孫競起家無因拜靈几一奠趙州茶

舊說蘓無著夫人亦正宗毒蛇橫在路栗棘更無蹤無著

贊臨濟宗旨云一條毒蛇橫在路上覺巷云栗棘蓬栗棘蓬一口吞卻更無蹤蕭散超塵界扶

持禮紺容覺庵誰嗣法別去德雲峰

太孺人蔣氏輓詞

之死靡他志天乎不諒人孀孤蓬在首難苦棘成新晚

福容千指心空滅六塵平生貞烈意終作坐忘身
潤屋惟純儉居然法度循松楸先壟下風月舊湖濱
子婦皆知孝孫曾亦可人浦江如可贖真欲百其身

孺人陳氏

周子及母

輓詞

教子推陶母相望百代前詩書經口授名節誦家傳
藝苑高鴻筆忠言徹細氈源流知有自何止父兄賢

令子齊年好相從識壺儀蕭生結綬日孟母卜隣時
未卜升堂拜俄聞陟屺悲天涯致芻束淚落薤歌辭

太淑人管氏輓詞

彤史久不作誰能有婦功寧知貴家子乃有昔人風
軸恩何渥芝庭澤不窮死生無可憾況已悟真空

陳夫人

程吏部之母

輓詞

作配知名士周旋內則篇宜家兼四德訓子見三遷就
養榮方逮歸寧病忽纏慶源流未已佳兆得牛眠

張夫人

余元老之母

輓詞

婦德天然備肥家五十年平生勤內則晚歲識真詮倒

廩非徼福翻經亦應緣于門有孫子佳氣藹新阡

王夫人

羅尚書
外祖母輓詞

婦德勝賢士嫠居成大家陰功宜有後餘慶尚在涯楊
惲出司馬陶潛傳孟嘉文昌紀遺範外氏倍增華

恭人强氏

曾南仲
之母

輓詞

祠部源流遠來嬪曲阜孫事夫終婦道訓子大吾門頌
誥恩光渥升堂笑語溫相期送丹旌馬鬣近周原

恭人董氏

劉侍郎
之母輓詞

敬饁尊夫子升堂乳阿姑鄉評推至行家慶展新圖半
世悲鸞舞高年樂鳳雛蜜章應未艾卿月應階符

鹿夫人

同年應尉
振之母

輓詞

內外言無間初終志不移白頭供婦職彤管著賢規慶
衍珠三樹芳先桂一枝鳳岑歸去路含笑不應悲

慶霈疏封日姑慈不忍違人方侈君賜我獨避恩輝孝
篤神應勞風高家愈肥新傳快女壻亦復掛冠歸

旌表門閭安人陳氏輓詞

婦德高千古鄉評徹九重柏舟終自誓石窀啟新封
孫子傳清白閨門慕肅雍死生無憾處了不媿三從

族姓朱陳盛夫人人事愈明老姑俱上壽難弟各清名

詹事

良翰之姊

節行輝彤管門閭照赤城室隣方有託何忍送銘

旌

盧夫人輓詞

名族著岡頭

武岡遠之姊

幽閨女教修良人驚夢蝶衆子慕

桑鳩物化了難問壺儀誰為收于公有佳兆哀哀看公

侯

廿四從妹輓詞

姊妹二十四凋零餘二人他鄉忽傳訃老子倍傷神已
歎棲居久何堪逆境頻佳城千里外西望淚沾巾
孝養全終始真成乳阿姑衾裯長夜共甘毳四時須衆
子俱傳業諸孫足自娛吾家女兄弟似此亦幾無
去歲桐川弟新從姊處歸備言家慶事猶著嫁時衣尚
欲尋松社寧堪哭素幃人生真一夢回首事皆非

令人王氏

表兄陳左史之室

輓詞

嫁早仍知孝夫賢自不貧事姑如事母憂物勝憂身鳳
誥恩榮渥鳩桑德意均孺哀聲不絕淚柏不成春

宦達方資助家肥忽悼亡一區終異室千載尚高岡奉
倩神猶慘安仁鬢欲蒼黃昏愁絕處誰伴紫微郎

宜人楊氏

鄭華文之室

輓詞

里閭依楊氏年家託鄭門升堂從壯歲擇壻得賢孫婦
德儀中壺陰功燕後昆尤憐吾女子流涕說慈尊

夢入粉榆社心遊冰竹灣
句歸期拜壽近侍望承顏
一昨聞微恙寧知竟大還
佳城無路到夫婦淚俱潛

陳夫人輓詞

族姓甲休陽夫人懿範彰奇男已南省快壻更東牀
珍錫人加嘆佳城神所藏平生陰德在餘慶尚難量
雅有幽閒操來嬪清白家相夫全禮敬見子致清華
方享承軒樂俄興陟屺嗟誰將彤史紀大筆為雄誇

碩人居氏

蔡尚書之室

輓詞

頃侍尚書坐曾聞閫助賢晤言成勇退裏謁戒私專夢
斷松江路神傷薤露篇悼亡千里淚疊嶂想新阡葬于平江

王夫人

周子及之室輓詞

閫內誰無助夫人事特明傾囊資色養勉學就清名遜
世期高節辭風歎落英丁寧猶在耳伉儷若為情

荆國風流遠幽閨女教循鵲原驚逝水鶴髮倍沾巾厚
夜招香魄英詞列翠珉祇愁書字拙貽笑衛夫人

王夫人

陳少南之室輓詞

淑質依名士身期百不憂藁砧家萬里蓬首日三秋陶
母傳遺業嵇孤託舊遊幽原誦詩傳無媿柏為舟

王夷仲夫人輓詞

彤史無人續誰能識壺儀蘋繁奉先祖詩禮付佳兒未
見魚軒樂俄興鸞鏡悲藁砧方得路腸斷悼亡詩

盛夫人輓詞

婉孌閨中秀清高林下風相夫能盡禮教子使移忠邊
郡官無曠都城養得終壺儀今具在流慶復何窮

恭人胡氏

陳奉直千能之室

輓詞

懿行表閨房情親共盡傷繡衣來宅相彤管著銘章

劉提

舉誠之

為作銘蘋澗誰供祀藁砧空悼亡芝蘭俱秀發所恨失

元方

先喪其長子

宜人聞人氏

趙婺州之室

輓詞

四郡歌賢牧魚軒從隼旗深閨無裏謁色養謹安輿故里稱家法諸郎讀父書美哉彤史筆三誦為欷歔

宜人史氏輓詞

闕闕冠三朝尊公兩珥貂夫賢能盡禮家貴肯期驕教
子門風振澄神性地超悼亡無可憾直筆付孫樵

安人鄭氏輓詞

勤儉佐家肥猶齊舉案眉錦封俱被寵鸞鑑可勝悲謝
砌森羣玉郊林先一枝木華文雋麗銘德祭堂碑

木簷
事為

銘

孺人錢氏

丞相之女
適曹氏

輓詞

家世戟如林來嬪謁德音功容俱可度疾疹遽相侵已

矣空蘋澗誰歟助藁砧佳兒隨玉折尤切悼亡心

孺人林氏

盧彥德之室

輓詞

家世甘泉舊幽閨有令名賢明教陶侃勤苦佐淵明蘋澗今何處鳩桑空復情誰知悼亡意揮涕望佳城

孺人曾氏

葉寺正之室

輓詞

婉孌應眉壽天胡弗與齡情深孫楚詠淚盡女孥銘蘋藻空南澗芝蘭有謝庭越山埋壁處秋雨濕銘旌

信國夫人秦氏

林子長之母

輓詞

夫人富貴出懷綢擇配和鳴得仲卿鸞誥早能封大國
魚軒不及伴雙旌肥家得法晚無倦教子登科新有聲
歎息南谿未成屋鳳凰山下啟佳城

茅夫人

鄭貴虛之母

輓詞

清心玉映許誰同更有飄飄林下風政爾高清協宗老
故宜嘉遯樂龐公遠謀蚤識身為重晚境還知性亦空
已擬張林碑婦德合歸彤史巨編中

孺人陳氏輓詞

追憶宮端舊典刑三真況復是難兄
豈惟門戶生光彩
直使朝廷列姓名
煙海乘桴誰可奪
天風反火報尤明
雖云弟娣相從去
自有英靈凜若生

太碩人潘氏

葉尚書肅之母輓詞

玉映清心著壺儀
閨房賓敬到齊眉
豈惟山水協高趣

宗少文每遊山水往輒忘歸妻
羅氏亦有高情與少文協趣

更為國家生好兒
太宗賜張

文定齊賢母詔曰婆婆有
福生得好兒為國家分憂萬口共推諸福備
八旬猶負

一年期伯仁冬日應腸斷不見堂前舉酒時

攻媿集卷十四

欽定四庫全書

政薀集卷十五

宋樓鑰撰

表牋

請舉樂

皇帝第一表

春秋重改元法蓋先於五始君子不為樂古無越于三

年請為王言冀同樂樂

中謝

恭惟皇帝陛下系隆列聖

娛侍三宮綿宇屬心既極謳歌之戴重華盡孝通承遏
密之餘顧烈祖之報厚且重焉然文孫之制期已久矣
況復高廟即安於神御壽皇俯和於祥琴下逮都人悉
除樂禁新王春而建號進寶冊以歸尊願飭攸司各揚
乃職鏘八音而應律肅萬舞以充庭仰奉重親益見慈
顏之喜下孚衆聽普臻和氣之祥

擬第二表

睿主承休光啓太平之運王正肇始益新治世之音宸

伸百辟之誠未動九重之聽洵陳奏牘進冒宸旒

中謝

恭惟皇帝陛下仰紹心傳率循家法念德壽詒謀之重
體重華盡孝之勤既居崇高富貴之尊未聞文采節奏
之美聲音不足於耳豈為始哉禮樂不可去身有為貴
者雖聖帝尚深於餘慕而理經尤務於適中莫先鳳曆
之頒宜上龍樓之奏豈止君臣相悅第成徵角之詩將
與天地同流益致形聲之應

至尊壽皇聖帝第一表

高蹈萬乘聿重協帝之華躬行三年曲盡慕親之孝矧將陳於冊寶盍備舉於樂章爰率具寮仰于淵聽

中謝

恭惟至尊壽皇聖帝陛下怡神于淡游物之初惟付託之得人宜燕頤而養性方且羹牆在念疏素以居既已先舜禹之傳乃親為曾閔之行期可已矣必欲加隆祥而廓然尚云寧戚顧平時不好世俗之樂豈今日忍聞堂上之歌然而和琴俯就于成聲鑽燧再經于改火不應慈極尚遏諧音伏望酌先王制禮之中念聖子承顏

之養居處笑語寢寬追遠之思鐘鼓箎絃益致導和之美

第二表

三年執禮已經徙月之期五日受朝當備鈞天之奏援
彝章而有請閔俞旨而未頒事恐久稽義須再瀆

中謝

竊以帝舜既命大禹猶欲六律五聲之聞漢皇上壽未央亦以萬歲大笑為樂蓋已膺天下之養盍具舉朝廷之儀若稽舊章允屬盛際恭惟至尊壽皇聖帝陛下道

高物表德邁古先既全與子之明尤盡因心之孝謂太宗就簡遽為三十六日之期而晉武欲為莫起數百餘年之陋出於獨斷高掩前聞羣臣仰體夫聖心薦歲忍形於奏牘迨茲即吉乃敢發端既已遏音于三載之餘正當成歌於十月之後況卜元正之吉將新徽號之隆儻非廣奏于和聲何以崇成于縟典恭聞南內將騰聽樂之章欽想東朝亦望承顏之樂仰祈睿旨俯徇輿情

擬第三表

海貢封章祈舉九成之奏未承詔命敢稽三請之勳

謝

恭惟至尊壽皇聖帝陛下高視帝尊共為子道自畢
因山之奉已合外除靡從越紼之權竟全終制遠復先
王之法肯循後世之常迨其今兮何以尚此至矣盡矣
願聞大舜之韶皦如繹如當語太師之樂雖欲勿用其
將何辭濟濟尋賢傾聽笙鏞之間欣欣百姓嘉聆管籥
之音

擬壽聖皇太后牋

三載遏音已全于中制兩朝就養當備于和聲

中謝

恭

惟壽聖皇太后殿下德竝城華行齊任姒佐中興之業
協濟艱難贊內禪之明共安閒燕比驚慈展忽返帝鄉
乃安長樂之居密受重華之養神孫御歷寶冊陳儀豈
應迎年而不為樂琴瑟之友鐘鼓之樂諒未忘儷極之
思羽籥之罷綴兆之文願俯徇輿之情

賀正旦

皇帝表

歲必履瑞蓋重四時之首年初建號有光二帝之傳矧

慶事之鼎來效羣臣之善頌

中賀

恭惟皇帝陛下乾剛

行健離照繼明正月之吉始和春祺既集四海之內咸
仰王化方行當周家布政之時迺漢歷改元之日嘉瞻
萬乘上寶冊于三宮肅領千官奉玉卮于前殿借備琚
瑀珩璜之飾創聞鐘鼓管籥之音益知嗣德之在初孰
謂太平之無象開八荒之壽域登庶俗于春臺臣猥預
周行欣逢穀旦方千里者九想同望于堯雲呼萬歲者

三敢競伸於虎拜

至尊壽皇聖帝表

歲之朝日之朝方肇新于鳳歷尊之至養之至爰啓慶
於龍樓歡動宮闈澤均海宇

中賀

恭惟至尊壽皇聖帝

陛下位居慈極仁冒羣生一道心傳六通四闢于帝王
之德三登化洽上際下蟠于天地之間乃釋萬幾之繁
坐受九重之養惟時上日尤異常年聖子改元著遵制
揚功之意昕朝奉冊見歸美報上之誠八音克諧四方

來賀豈特履端之可慶誠為曠古之未聞臣等恪謹臯
趨伏深黿抃顧方訪道於崆峒之上正當儲神于蠖濩
之中何止八千春以大椿而為久敢祝三萬歲願慈母
而亦然

賀三宮受冊

皇帝表

乘翠鳳之車講盛儀於元日鏤白玉之牒上徽稱於重
親愛事既成綿區交賀

中賀

恭惟皇帝陛下與天同大

如日方中克寬克仁允協成湯之德惟精惟一密承虞
舜之傳爰奉三宮之歡以垂萬世之則討論故實備極
嵩高視慈福之鴻名皆有願聖人壽之祝侈重華之顯
號尤彰為天子父之尊當遲日之載陽喜積陰之頓解
雨師風伯既已肅清乾端坤倪為之呈露雲移天伏首
趨漢殿之朝星拱玉皇親下堯階之故歡聲相和叶氣
橫流惟天人順應之甚明知社稷靈長之可卜臣等幸
緣際會獲奉周旋快覩聖時允屬紹興之始願龍孝治

一如貞觀之初

壽聖皇太后牋

涓嗣歲之端辰上丕天之大號神孫具禮親來翠蹕之

朝聖子承顏同受雕珉之冊

中賀

恭惟壽聖皇太后殿

下行齊任如德邁娥萃蚤輔中興之功載裨內禪之策

由長秋而登長樂安榮已見于無加自紹興而至紹熙

戩穀益知其未艾惟壽居五福之首而聖乃羣倫之先

永年常奉夫母儀今日尤嚴于福后禮容甚盛鼓舞惟

均臣等獻歲云初趨班惟謹得少廣之道本無迹之可
名居東朝之尊祈後天而難老

壽成皇后牋

萬乘來朝當夏時之上日三宮受冊列丈母之丕稱履
載兩間歡呼四起

中賀

恭惟壽成皇后殿下謙恭素稟

柔懿內充奉慈極之天顏曲盡問安之禮佐壽皇之內

治克全燕翼之謀禮既備于尊崇心益安于沖淡共都
顯號爰歸父母之尊仰嗣徽音尤侈婦姑之盛俱以壽

康而嚮用何勞警戒以相成臣等欣際休期獲觀縟典
詠思齊之什維周匝休安長樂之居與宋無極

皇后牋

羽蓋翟車陪六飛之法駕瑤編寶刻上三殿之隆名既

備盛儀式昭內助

中賀

恭惟皇后殿下處心淵靜迪德

懿恭五日受朝常謹問安之奉九重視膳每言佐饌之
勳迨茲穀旦之禮成想見長秋之喜倍尚須浹日嗣舉
從容堯舜相傳禹方循于一道姜任在上似宜續于歲

音臣肅領廷紳預觀國典展宮中之賀諒無異于外朝
奏堂下之音爰助成于和氣

賀皇后受冊

皇帝表

九重渙號實遵慈展之謨萬乘臨軒爰受中宮之冊肆
稽故實備著禮容竊以地本法天方著順成之德月惟
遡日遂參久照之明況居大寶之尊蓋正內朝之助天
作之合王假有家

中賀

恭惟皇帝陛下道貫三才爰均

四海親承付託之重允資輔佐之賢若時元妃作配龍
潛之際儼我宸極有開熊夢之占誕布玉音進登椒掖
贊侍膳問安之孝盡求賢審官之思臣等恪領廷紳預
聞國典乾坤定矣式符羲畫之文鐘鼓樂之願繼周南
之詠

至尊壽皇聖帝表

神器有傳俾正椒房之號縟儀告備肆頒寶冊之嚴化
浹綿區慶歸慈展中賀恭惟至尊壽皇聖帝陛下德叅

覆載道極範圍堯治民以治民有光前烈天與子則與
子啓佑後人乃當命禹之初首眷嬪虞之舊用修陰教
以正人倫鳳蹕來朝副以翟車之盛龍樓問寢加之禕
服之華臣等依附末光相成鉅典仰遵睿訓見正家正
國之規鞏固皇圖知卜世卜年之久

壽聖皇太后牋

神孫御極蚤正于長秋天仗克庭用揚于顯冊事闡宗

社歡動宮闈

中賀

恭惟壽聖皇太后殿下氣毓沖和性

資淵靜化行南國正萬世之彝倫尊處東朝受兩宮之
孝養屬涓穀旦首上隆名既先慈福之儀旋講穆清之
禮舍飴示愛見寶厯之親傳佐餽得人想慈顏之有喜
臣等駿奔在列黿抃惟均家法相承咸仰徽音之嗣母
儀有則益觀王化之基

壽成皇后牋

坤柔而剛既參內禪之策婦聽而婉俾正中闡之儀

中

賀恭惟壽成皇后殿下邇日為明與天同大贊至尊之

孝治一紀于茲安長樂之宴居萬年有永謹二南之正
始備四德以相承懿典告成慈幃胥悅侈家國非常之
慶實社稷無疆之休臣等獲際昌明不勝鼓舞友琴瑟
而樂鍾鼓莫先儷極之賢本夫婦而始后妃茲實齊家
之要

皇后牋

榆翟禕衣久正內廷之禮金寶玉冊式全昭代之儀慶
衍宗祊歡同宮掖

中賀

恭惟皇后殿下肅雍成禮柔靜

資生蚤開隆燕之祥允協維熊之夢躬儉節用致君子
之家肥順色承顏化天下以婦道爰自御圖之始允資
儷極之賢稟命慈皇歲儀穀旦是謂人倫之至益彰女
則之嚴臣等目覩彌文欣逢盛際闕睢麟趾既已先正
始之基周姜太任當無媿思齊之聖

謝賜春衣表

春日載陽肆頒于命服上恩難報仰謝于皇局列辟同
辭闔門受賜

中謝

恭惟皇帝陛下業隆潤色道廣綈幪

大舜之垂衣裳葭以加此神禹之美黼冕吾無間然迺
俯念于廷臣仍舉行于時令爰賁以帛俾華其躬視爵
秩而有差被寵榮而如一臣敢不退揣其分思稱所
蒙慕召南在位之風期厲羔羊之節效齊國老人之語
請遺天下之衣

賀會慶節表

紹興三年以左氏攝西掖侍班扈從
有旨百官詣重華宮拜表歲時禮部

即已在北宮候迎駕左相留
公詣就殿廬中作今附於此

虹渚發祥爰紀生商之旦龍樓啓慶敢伸戴舜之誠中

賀

恭惟至尊壽皇聖帝陛下游物之初怡神于淡六通
四闢于帝王之德聿成盛治之勲上際下蟠于天地之
間罔匪春和之氣徧寰區而蒙福與太極以同功禮奉
玉卮遠循漢殿之制書陳金鑑何待唐臣之言臣等肅
領鵷行恭舒虎拜祝南山之萬壽睿筭無疆效嵩岳之
三呼歡聲旁洽

玫瑰集卷十五

欽定四庫全書

攻媿集卷十六

宋樓鑰撰

表牋

謝温州到任表

起家為郡俄及成時便道之官已共侯度戴睿恩而甚

厚宣德意以具孚

中謝

伏念臣一介書生累朝世祿當

聖主飛龍之始偶玷末科遙明時振鷺之班每安平進

久預憲章之筆削屢叅史牒之編摩嘗佐治于福州復
勾稽于列寺天府式邦財之重司宗書帝系之繁比終
素韞之期忽冒朱轡之寄惟此東甌之勝實為左浙之
雄頃任冷官茲叨假守山川如故風俗粗諳雖無竹馬
之迎頓起蒲鞭之望以前日待諸生之意加惠斯民于
此邦揚泮水之波廣為膏澤要令上下俱無所苟且庶
幾田里寢銷於歎愁茲蓋伏遇皇帝陛下深軫黎元敷
求長吏謂臣洊登王國必能弘惻怛之仁念臣四對天

顏固無俟丁寧之運是以左符分界不待朝叅嚴旨趣
行免加臨遣幸遂養親之志實勤戀闕之私臣敢不律
已奉公平心待物惟忠惟孝誓堅始終之誠濟猛濟寬
務勉中和之政

謝中書舍人表

史筆屢書深漸無補綸闈久假遽命為真嘗控避而弗
俞竟周章而就列中謝伏念臣受才譴薄涉世闕疎偶
承累葉之儒科寢預清朝之官使往分郎寄何有民庸

當壽皇御極之時曾四登于文陛逮聖主臨朝之治遂
三入于脩門首汙郎省之聯旋備賢關之式貨泉出納
粗謹攸司寶牒纂修伏尋故步晉班左城攝事西垣記
注非工有媿螭坳之直詞章至陋殆為鳳閣之羞矧執
愚之不移或遇事而輒發妨賢已甚忤物且多方喜具
之交懷恐顛躋之未免力求引退敢覬襄升才思欲枯
安得湧泉之敏身章增煥更貽濡味之譏茲蓋伏遇皇
帝陛下翕受羣言旁招俊乂謂臣粗親小伎故使當訓

誥之司察臣素稟樸忠或可效涓埃之助攷于詳試有此誤恩臣敢不思稱所蒙益共乃位言惟作命少裨雷風鼓舞之神忠以事君當謹朝夕論思之職

謝壽皇聖帝表

柱史充員久虞幽黜詞臣掌制遽忝超除揣陋質以無堪望慈宸而知幸

中謝

伏念臣頃叨末第已出異恩再

玷周行惟自安于平進仰承清問嘗屢貢夫愚忠出分海嶠之符入就星曹之列聖作明述親見盛時年除歲

遷寢塵清貫書言書動慙無載筆之功如絲如綸徒積
代庖之媿將以外庸而自詭乃叨親擢以為真退省僥
逾益增戰慄茲蓋伏遇至尊壽皇聖帝陛下達源繫表
探蹟古初齊聖廣淵居域中之有大危微精一為天下
而得人式詔燕翼之謀茲見儲才之效肆令么膺猥預
論思臣敢不深念遭逢誓堅操守仰戴兩朝之眷敢務
苟容願殫千慮之愚以伸忠報

謝給事中表

充員詞掖久懼罔功進職瑣闥忽驚誤渥辱訓辭之甚

寵揣分量以奚堪

中謝

竊惟封駁之司實闕出納之要

詔敕之布咸仰君相所為有唐則許塗竄而奏還本朝
則令詳酌其可否宜求人望以贊政經豈但妄庸乃與
詮擇伏念臣迂愚自信執滯不通秉筆螭坳固有切于
良史演綸鳳閣曾何取于陳言屬兼直于禁林幸親逢
夫興運書詔填委靡容晷刻之淹號令流行欲助風雷
之迅僅無乏事安敢辭勞荷簡記于宸衷俾驟膺于夕

拜不改北門之舊族仍東觀之華加賁身章增光從橐
茲蓋伏遇皇帝陛下勵精初政垂意羣才用舍之間初
無適莫論奏或至不吝改更知臣備歷險夷麤有愛君
之志謂臣素懷慙直願殫論事之忠遂致孤蹤亦叨隆
委臣敢不俯思幼學務勉後圖親年益高但有歸耕之
意主恩未報尚希批勅之風

謝權吏部尚書表

充員瑣闥自顧罔功攝長銓衡忽蒙誤寵仰皇慈之至

渥揣微分以何堪

中謝

竊以選部持衡夙號六卿之長

文昌聽履實為八座之聯非素推公方不足以扼吏姦
非妙有德望不足以壓輿論雖黃散之下無忝異同而
搢紳之流鮮不關繫宜求精敏之彥以當要劇之司伏
臣才不逮人學徒泥古一為支郡三入脩門門久待上
皇愧愚忠之無補親逢嗣聖荷褒擢之有加代言非錄
贊之工批勅謝李藩之器俯徇芻蕘之論屢寬鈇鉞之
誅去省眼者五年遂躡登于冢宰離班心者一載遽首

列于後臣禁林兼內制之文史館涉信書之筆滿盈已甚控避莫回頒御府之襲衣益之鞶帶駕天閑之良馬覆以雕鞶但喜悅親之私敢云稽古之效茲蓋伏遇皇帝陛下多能天縱盛德日新蒐舉異才踵登持橐之先優容棄物獨負吹竽之慙宜黜而遷以榮為懼臣敢不深思僥冒勉竭疲庸為山公啓事之書知非所及守崔亮停年之格何足言勞尚幾典選之平少助官人之道

謝兼侍讀表

升班文部方虞典選之難進讀露門更辱兼官之寵循

牆莫避據蒞是憂

中謝

竊以帝王之興必以學問為急

如懷素元量之選本為覽史之資由宋綬夏竦以來始
有讀書之職仰惟睿聖光紹炎圖首開講帷詳延從橐
攷通英之舊加賜坐以甚優于共膳之餘俾侍言而更
入首閱三朝之寶訓次觀先正之奏篇宜求鴻博之儒
以助緝熙之學如臣至陋涉世多艱豈期累歲之推遷
寢歷明時之華要詞垣翰苑代王者之敷言史觀經筵

極書生之榮遇況從夕拜擢置天官朝入君門方被宸
綸之渥暮歸私室又驚渙汗之頒是何遭逢有此僥冒
茲蓋伏遇皇帝陛下勵精庶政垂意多聞廣廈細旃許
奉清閒之燕哀衣博帶不違咫尺之顏自古所稀于今
獨盛猥令末至躡冠羣賢臣敢不紬繹舊章勉圖微效
海涵天覆或容草芥之忠日往月來庶有毫釐之補

謝顯謨閣直學士知婺州表

典選無聞方上便親之請承流已試載叨出守之行寵

躋延閣之班增賁輔藩之寄叨膺明命倍激危衝

中謝

伏念臣奪迹孤單逢時休盛昨自東嘉之收召尋登左
省以推遷代言慙潤色之工封詔乏塗歸之效及夫綯
書視草勸講掄材皆儒者之至榮豈生平之敢望饗誤
恩而踰分致私室之挺災重貽慈母之憂益動故鄉之
念力祈間退仰賴矜從候邦分寶婺之區學士寓文謨
之直繇常伯而出于故事或有此除攷公論之歸在小
臣恐非所稱莫遂循牆之避徒深戀闕之誠茲益恭遇

皇帝陛下覆育羣生敷求長吏察臣昔當一郡拊摩羸
竭于微勞念臣駸歷三朝進退欲全夫素守俾司乃牧
俯使其私臣敢不欽服訓詞益思砥礪五百里曰旬不
違咫尺之威二千石惟良少展涓埃之報

謝中大夫表

由選部以守藩方陳祠請因年勞而進秩更沐綸言祇
拜以還感銘何極

中謝

伏念臣生逢聖主世受國恩雖

歷任累朝幸相繼百年之外而傳家三葉俱弗踰六品

之階敢期後嗣之微乃越先朝之舊共承遺訓未知聞
詩聞禮之言追仰前蹤徒有慙長慙卿之誚豈特一門
之幸實為千載之逢茲蓋伏遇皇帝陛下優待臣工仍
嚴銓法三年政績既容賞典之參一體疏榮爰示禁途
之寵臣敢不激昂素守銜戴隆知漢議方興媿乏倪寬
之對淮陽既遠敢忘汲黯之忠

謝提舉江州太平興國宮表

分共理之符敢起一麾之嘆廩祝釐之祿終俞三請之

辭盡出上恩獲伸素志

中謝

伏念臣稟資至陋涉世最

疎誤蒙三聖之知寢蹤六官之長輟金華之講而為金華之守曲從外補之求由學士之稱而寓學士之班仍冒親除之渥已過家而上冢將叱馭以登途屬以母老易危暑行致疾羣醫俱試百口相驚亟上需章謂必嬰夫嚴譴首班溫詔乃許緩于官期感泣之深憂惶實切率更旬浹又露忱衷特寬方命之誅竟允奉祠之願仰隆施之過厚誠近代之所無去魯行遲難效齊邦之接

浙報劉日短韋容李密之陳情茲蓋伏遇皇帝陛下仁
本受人孝先錫類凡加識拔舉無簪履之遺苟有懇祈
俯詢芻蕘之切使退安于真館得娛侍于慈闈臣敢不
銘著肺肝躬陳葢水況此塵勞之久少休疲曳之餘凱
風自南獲遂奉親之樂衆星共北誓堅報主之心

賀重明節表

慶元
元年

述者明作者聖方兼脩于孝慈一曰壽二曰康宜大來
于瑞慶茲逢誕節倍激忱衷

中賀

恭惟太上皇帝陛下

玩道希夷儲神螭護尊居時室成三朝脫屣之高坐閱
皇齡受萬歲奉卮之養功隆太極事越古初當今賓燕
之時際此流虹之旦慶綿宗社歡動宮闈臣久玷從班
適叨外補天銜簇伏莫陪豹尾之中海嶠傾葵仰望龍
樓之表

賀瑞慶節表

神筴紀元方懋繼承之烈流虹啟瑞載逢震夙之節凡
屬照臨率均抃舞

中賀

恭惟皇帝陛下聰明冠古歷數

在躬纂列聖之不圖謹三宮之色養色仰守成之美日
聞典學之勤良月就盈爰輯大來之慶從天難老坐隆
不拔之基臣竊食祠宮馳神天陛修葺水之敬既諧頴
谷之私奉香火之緣敢效華封之祝

謝再任宮觀表

祠庭既廩其命維新敕牒臨門從天而下恍不知其何
自凜欲受以猶驚仰惟異恩敢不祇拜中謝伏念臣才
非適用學不知方幸逢熙洽之朝寢冒清華之選四載

預論思之列無補毫釐平時于出處之間麤分尋尺始
因請外巫畀輔邦旋以便親力求真館塵瀆蓋高之聽
俱蒙從欲之仁繼辱簡知再叨共理不圖出守乃復一
麾來者猶可追惟闔門而退省觀其所以養敢謀食以
自營重尋香火之緣盡出冕旒之眷惟廬阜棲真之勝
自熙陵紀年而來竊祝釐之虛名得與奎之實惠喜同
毛撥歡動萊衣茲蓋伏遇皇帝陛下覆載無私照臨丕
顯選搢紳之髦士咸與明揚念簪橐之舊臣未嘗終棄

賦以斗升之奉增以儋石之儲臣敢不益體洪私誓堅
晚節為子華之母而請粟寧待人言班周室之祿以代
耕實銜君賜

賀皇子降誕

皇帝表

天啓昌期方侈三宮之慶國生元嗣實隆億載之基溫
詔四馳驩聲一律中賀竊以本朝之傳列聖古所未聞
長嫡之出中閭今方再見況五世高曾之上壽當三朝

揖遜之盛時首開長發之祥益茂無疆之祉恭惟皇帝
陛下仁霑動植德冒華戎堯帝聰明既親于九族周家
忠厚宜見于百男爰稽熊夢之占允協燕謀之吉事關
宗社喜浹穹祇臣頃玷從臣幸休真館拜丹陛之名表
莫綴駕班誦朝廷之德音敢同鼉鼓

太上皇帝表

尊居慈展方均萬國之歡慶篤神孫益衍四朝之盛宮
闈喜溢海宇恩深

中賀

竊以漢甘露中嘗有甲觀命名

之愛唐開元際亦稱三日臨澡之儀曾未有視黃屋以
非心見綠車之載育恭想天顏之悅咸欣帝系之昌恭

惟

尊號

太上皇帝陛下道體純乾功參太極傳神麗而

與子為天下而得人仁聲素洽于編民福祚遂綿于世
嫡克岐克嶷飴飴自適于聖情曰壽曰康戲愈愈隆于
色養臣曾從屬車之後遙瞻特室之嚴奏未央五日之
朝阻陪下列效嵩岳三呼之祝徒罄微衷

太皇太后牋

慈尊無上方歌眉壽之隆慶系有傳及見耳孫之育古

今創觀中外均歡

中賀

恭惟尊

號

太皇太后殿下化洽

周南德同坤厚翊中興之運母儀坐閱于三朝濬長發
之祥帝統遙觀於五世備壽富康寧之福彤覃訏岐疑
之歌仰推毓夏之原是啓生商之瑞臣叨塵禁路退奉
祠庭春而秋秋而春孰計後天之箕子又孫孫又子益
延過歷之朝

皇太后牋

居壽慈之宮仰尊祖后歌震風之雅誕育曾孫之志古
之未聞亦本朝之初觀

中賀

恭惟

尊號

皇太后殿下德

先恭儉性本仁明親見堯舜禹之傳共循一道上有姜
任姒之聖宜致百男果慶中闈遂生元子惟天心之眷
佑成國勢之安疆臣祇奉真祠阻陪賀版本支百世方
欣五世之同堂壽考萬年坐看卜年之過歷

太上皇后牋

思齊文母婉慈極以俱尊於赫湯孫由中闈而載育仙

源有自聖統其昌

中賀

恭惟

尊號

太上皇后殿下德茂

塗山禮隆涓浹上皇與子贊成脫屣之高聖主奉親倍
喜含飴之樂當漢觀命名之始想唐宮臨深之同四方
流聞萬口交賀臣嘗叨持橐退獲奉祠移壽康之班莫
預千官之末衍雲來之慶更綿百世之期

皇后牋

位正柔坤將行冊禮祥開沅震首行天材上承列聖之

休益侈重闡之慶

中賀

恭惟皇后殿下世傳勲閎德應

帝姻帶弓韞于襟前允協燕祠之瑞設桑弧于門左果
符熊夢之占三宮喜摘長之昌萬乘啓元良之正稽前
朝而嘗見在今日以增光臣退處衡門阻趨秘殿壽如
山升如日願賡歸美之章衣之裳弄之璋更獻多男之
祝

賀重明節表

慶元二年

黃屋非心坐撫重臨之節玉卮為壽適臨載震之辰慶
溢宮闈歡均海宇

中賀

恭惟

尊號

太上皇帝陛下仁心

愛物德澤在民天下為一家既全揖遜之盛域中有四大獨冠古今之尊明繼聖而帝業愈隆子生孫而宗支自衍咸啓華封之祝想聞漢殿之宜臣恪奉外祠遙瞻慈極嵩呼萬歲莫陪就日之班花覆千官猶預需雲之宴

賀瑞慶節表

虹流電繞式符長發之祥地闢天開方際中興之運一人有慶萬壽無疆

中賀

恭惟皇上陛下受命皇穹紹休

列聖問之朝問之野莫知神化之方作之君作之師獨
得道原之大惟此就盈之月是為載夙之辰仰三宮燕
吉之歡衍億世延洪祉臣叨陪法從得奉真祠帝所遙
瞻敢作鈞天之夢廷紳布列想聞嵩岳之呼

賀奉_上壽聖壽仁太上皇帝聖安安壽仁太上皇
皇太后聖安壽仁太上皇帝聖安安壽仁太上皇后
冊寶禮成

皇帝表

尊處九重莫先于孝治慶綿百世俱上夫隆名誠振古
之未聞喜當今之獨盛

中賀

竊以加光佑惠慈之號既

歸二后之尊崇聖安壽仁之稱仍謹雙親之奉縟儀具
設綵仗交輝天地為之清明宗社于焉鞏固恭惟皇帝
陛下日行舜德思廣文聲謂此國必自齊家惟篤近乃
能舉遠矧當旋乾轉坤之始克躬問安視膳之勤迺因
萬國之歡用顯三宮之懿臣屏居東甬寓直西清澤笏
彩纓雖阻陪于鳳蹕範金鏤玉徒念望于龍樓

太上皇帝表

備九重之色養祇奉慈仁得萬國之歡心載揚顯號皇

儀具舉孝治彌光

中賀

竊以聖聖相承本朝為盛安安

克遜三葉尤隆惟壽居五福之先惟仁在四端之首尊

無與二固不可以易言蕩無能名要當舉其大者恭惟

尊號

太上皇帝陛下躬帝堯之盛篤仲尼之恭廣大之

配乾坤宜享延洪之筭忠厚之及草木益昌積累之休

仰睿聖之聰明極愛欽而盡道親奉範金之寶首披鏤

王之篇兼衆美以時書粲彌文而相接凡居履疇罔不
瞻依臣頃侍詞垣茲歸真館飾琚瑀珎璜之佩莫陪天
仗之朝聞鐘鼓管籥之音尚想龍樓之曉

太皇太后牋

尊處東朝坐見魯孫之孝治禮嚴北闕載加文母之鴻
稱大冊告成本朝增重

中賀

竊以壽先嚮用具著箕疇

聖本思齊是歌周雅慈為三寶之首既以益隆福者百
順之名又皆兼脩茲仰鋪張之盛彌功保佑之功恭惟

尊號

太皇太后殿下德厚柔坤道參太極堯舜禹之相
授贊睿斷于宮中姜任姒之俱賢播徽音于宇內隆興
而後四舉縟儀紹熙之間存修盛事矧親提于神器付
託得人宜首上夫瑤編祇承于帝歡傳有載燕及無疆
臣嘗玷從班欣逢曠典宮闈再闢想聞天仗之來賀版
羣趨莫預廷紳之後

皇太后牋

鏤白玉之牒上徽稱于慈尊建翠華之旗藏縟儀于聖

代歡傳宮壺慶浹垓垓

中賀

恭惟

尊號

皇太后殿下德

嫔娥娶聖齊任似再世揖遜實參決于廟謨三宮康寧
爰竝崇于色養惟神孫之盡孝仰祖后以承休取仲尼
五美之言明老聃三寶之訓用形容夫懿範以昭著于
彌文臣退處海瀕阻趨天闕瞻壽慈之新勝莫預班聯
歌思齊之首章第勤頌禱

太上皇后牋

寶冊誕揚仰奉慈闈之懿徽稱備舉益增母道之光宗

祉愈隆華夷交賀

中賀

恭惟

尊號

太上皇后殿下聖齊

任姒德婉皇英方綿四方之休親受九州之養王母之
坐少廣壽固無期騶虞之應召南仁不勝用仰嗣皇之
盡孝極禮典以歸尊三殿交歡萬方同慶臣比叨荷橐
茲獲奉祠引振鷺之班莫陪進旅而退旅粲珣珉之牒
更聽大書而特書

皇后牋

三殿祲容俱上鴻名之懿一人孝治端由內助之勤凡

屬照臨舉深朴蹈

中賀

恭惟皇后殿下慶綿奕世位處

內朝陰教所覃有卷耳摻木之美柔儀克謹奉長樂未央之尊聿嚴揄翟之衣同上珣珉之冊邦彛有耀家法愈新臣頃玷禁途茲安海嶠側聞曠典但知獸舞之歡遙望昕朝莫遂鳧趨之願

賀皇后受冊

皇帝表

廷提大冊克備于祔容位正中圍聿嚴于內治歡傳禁

掖喜決編民

中賀

竊以尊尊親親既極三宮之奉夫

婦婦是為萬世之基頒制紵于嗣服之初飾褱衣于歷
年之後禮文惟稱地道有光恭惟皇帝陛下德本世修
合由天作上未央之萬壽方陳漢殿之儀嗣太姒之徽
音更篤周詩之慶卷耳之志當佐于君子思齊之聖以
御于家邦朝夕永致其憂勤夙夜不忘于警戒于焉正
始豈專為恩臣退奉真祠恭聞盛典漢之廣江之永通
觀美化之流行渭之涘洽之陽咸慶舊章之復見

皇后牋

陳儀楓陞具招丹冊之華正位椒塗光被禕揄之事事

關宗社歡勳宮闈

中賀

恭惟皇后殿下慶襲安陽行高

嫺內起家而居爵位蚤締天姻好逮而樂鼓鐘益彰后
德密輔九重之孝治仰承三后之徽音盛典告成內朝
增耀臣祝釐惟謹竊栗自慚迹雖滯于周南化已行于漢
域禁林草制曾蒙乙夜之觀從橐趨班阻預長秋之賀

玫瑰集卷十六

欽定四庫全書

集部

文淵閣集卷十七至十九

詳校官右中允臣薩敏

主事臣呂雲棟覆勘

總校官庶吉士臣倉聖脈

校對官中書臣牛稔文

謄錄監生臣黃譽

謄錄監生臣任應銑

欽定四庫全書

攻媿集卷十七

宋樓鑰撰

表牋

謝大中大夫表

一身去國方叨祠廩以娛家四品頒綸乃次年勞而增
秩素餐已甚丹悃知歸

中謝

伏念臣少也數竒晚而多

幸備皂衣之吏三朝許厠于周行聯紫橐之華四載得

陪于從列踰涯自愧補外以行荷聖君從欲之仁賦真
館祝釐之粟班通禁路尚汙文謨內閣之嚴法應更銓
遂躡秦官大夫之首寄祿寢高于世冑被恩得奉于親
承視賈誼之超遷固非敢望比申公之即拜豈不懷慙
茲蓋伏遇皇帝陛下罷使羣工曲成萬物念論思之舊
侍未忍遐遺付品式于有司許容平進周章登受俯偃
何言臣敢不祇服訓辭欽承命數老疾而無職事實深
稱於閒居優游不易公卿特未知於報所

賀重明節表

慶元三年

少暉司秋適屆肅霜之候重明麗正欣逢繞電之辰慶

浹三宮歡騰四海

中賀

恭惟

尊號

太上皇帝陛下道隆

邃古澤潤生民引養引恬自得怡神之樂無倫無敵尤

高與子之明福如日以正中年與天而同久千秋紀節

固知黃屋之非心萬歲爭呼又見玉卮之為壽自他有

耀申錫無疆臣嘗侍宸旒茲游真館恭陳虎拜阻陪漢

殿之儀遙思龍樓徒效華封之祝

賀瑞慶節表

斗樞電繞良月占載震之祥崖石天齊令名採中興之
頌四方來賀百福具宜

中賀

恭惟皇帝陛下夙亶聰明

躬行勤儉奉三宮之色養孝治日中得萬國之歡心休
祥雲委當重熙而累洽能持盈而守成咸傾舊日之誠
仰贊後天之奠臣頃陪鷺振親覩龍飛上萬年之觴夢
徒游于帝所接千歲之統心惟祝于皇齡

慰壽聖太皇太后上仙

皇帝表

奉慈尊於四世孝治方隆傳遺誥于萬方哀號何極

中

慰

恭以尊號

太皇太后道高任姒德邁城嬖三朝居長

樂之尊九秋享無疆之壽手提神器親授曾孫功成不
居仙去何速恭惟皇帝陛下躬承慈訓圖報洪恩北面
昕朝備四海九州之養東朝晏起懷千秋萬歲之悲忍
從五日之哀特用周期之服願少寬於聖抱期益慰夫

親承

太上皇帝表

太皇厭代慈展興哀覆幬所臨悲號何及

中慰恭以尊

號

太皇太后道妙千古母儀四朝決內禪之訏謨功在

社稷受曾孫之色養福等岡陵乃以微疴遽傳晏起恭

惟

尊號

太上皇帝陛下仰遵遺訓祇服通喪願寬聖子

之孝心勉徇先王之中制

皇太后牋

慈福上賓悲纏率土愛欽素著哀動重闈

中慰

恭惟尊

號

皇太后殿下夙奉太任親承大舜婦聽而婉實為內
壺之觀喪致其哀莫贖終天之痛願遵禮制少抑孝思

太上皇后牋

壽聖升遐慈尊永慕恭承凶問均極悲悼

中慰

恭惟尊

號

太上皇后殿下寅奉重闡恪修陰教方日勤於孝養
期仰嗣于徽音胡不萬年忽成千古在人情而難處冀
聖念之少寬

皇后牋

光佑訃聞邇遐哀動驟失慈尊之蔭誤增悲慕之心

慰

恭惟皇后殿下四世承顏累年逮事雞鳴問寢每勤
禕翟之行鶴馭登仙遂有雲霄之隔願推至理少抑深
衷

謝再任宮觀表

僻居海嶠推戴上恩游昇祠官忽頒嚴旨慙無報國之

所喜便事親之私

中謝

伏念臣潦倒無堪遭逢過分奉

身而去徑歸綿上之田畏影自憐更卧漳濱之疾當一

喜一懼之交切何三仕三已之敢云幸遂投閒庶幾養
志屬書再改未免有言既徹九重亟蒙從欲闔門相賀
遂寬乞米之憂連歲何功徒致取禾之誚茲蓋伏遇皇
帝陛下纘旒無蔽簪履不遺求齊國之世臣尚其餘幾
數正元之朝士今亦無多賜以斗升濟其菽水臣敢不
仰銜隆施退適餘生顧朝暮承顏得效老萊之戲雖漁
樵混迹敢忘魏闕之心

賀重明節表

慶元
四年

繼明而照四方夙紀誕彌之節得秋而成萬寶是當載

獲之辰慶溢霄琅歡均海宇

中賀

恭惟

尊號

太上皇帝

陛下尊同太極福浸黎元由父作子迷之明得內聖外
王之道脫履崇高之表怡神蠖濩之中鳳蹕來朝當電
繞虹流之日龍樓上壽皆山呼鼉拊之人睿算無疆
洪圖有永臣既收朝蹟滄處祠庭與造物者遊敢陳金
鑑之錄獻封人之祝徒想玉卮之儀

賀瑞慶節表

良月就盈出應五百年之運四方來賀仰祝三萬歲之

期宮壺交歡宗祊協慶

中賀

恭惟皇帝陛下行符乾健

德與日新寅奉重闈深恩付托之重游開二閣用廣緝熙之明益增孝治之隆坐振儒風之盛如雲如日喜逢誕聖之辰非露非烟茂鬱興王之瑞敢伸虎拜用贊堯齡臣再奉真祠僻居下國歲冠就列莫陪嵩嶽之呼泚筆歌功願獻浯溪之頌

謝落職罷宮觀表

杜門卻掃幸家食之少安褫職罷祠忽臺評之下及尚
從寬典祇荷隆恩

中謝

伏念臣慙直有餘頑冥自信生

逢昭代屢玷周行年除歲遷實由於親擢左提右挈敢
藉于先容久居封駁之司幾作怨仇之府用過其分思
稱所蒙始求補外以收人已叨臨遣旋請投閒而奉母
又辱矜從五年自放於江湖一飯不忘于君父獲棲故
隱可謂幸民然猶通內閣之清班竊殊庭之厚祿餘生
何有惟斷斷以無他公論弗容尚斷斷而不可煩言果

至百謫奚逃仰聖度之恢洪閔危縱之孤露爰施薄罰
以示小懲茲蓋伏遇皇帝陛下仁務包荒爵惟馭貴衛
纓雖許終不可以假人漢印既銷適足明於無我俯憐
簪履之舊猶齒搢紳之間臣敢不屏息訟愆投誠戴德
循南陔而戒養退甘三釜之貧望北闕以傾心莫効一
毫之報

謝宮觀表

杜門窮巷將沒世以訟愆賦粟珍臺僅踰時而復舊開

孤迹自新之路承大君莫報之恩得之若驚感而至泣

中謝

伏念臣頃承駕綴親覩龍飛詞禁代言首播絲綸
之命經惟進讀不違咫尺之顏一去闕庭四叨祠祿初
出懇祈之切兩蒙簡記之思惟此僥逾尤為憂異雷霆
所擊寧忘失箸之憂日月有明忽照覆盆之下豈無望
於歲年之後不謂得於旬朔之間顧鑄職之告未頒而
祝釐之領已繼人謂去珠之再得自憐墮甌之猶全頓
增菽水之歡足慰桑榆之晚茲蓋伏遇皇帝陛下仁無

棄物道本用中芝桂呈祥方炳靈于太室玉卮為壽喜
親慶於慈闈廣四海以推恩軫一夫之失所有如間廢
亦荷矜存臣敢不仰體隆知益安愚分半九十里深嗟
末路之難取三百困徒切素餐之愧

謝進封開國子加食邑表

職在琳宮方謹祝釐之奉詔分穀壁更濛與邑之多敢
期洪私下及散地

中謝

伏念臣頃叨推擇濫預論思自

登鎖闥之聯已經采食之賜明時未棄歸猶得於祠官

比歲以前居幸需于郊需賤息既承于延賞先臣復被
于追榮獨此加恩格而不下方斯念咎喋弗敢言顧三
百戶之逋固知所自念五十里之小相去幾何迨茲祭
澤之頒始冒綸言之寵母升次即爵進小邦再拜知歸
一門增耀茲蓋伏遇皇帝陛下禮嚴宗祀惠及臣工仁
不忍于遐遺福靡求于專嚮遂令遠外亦荷寵光臣敢
不俯媿素餐著銘丹悃奉璋就列莫輸奔走之勞分土
疏封安有藩宣之力

謝通議大夫表

祠館無庸猶會八年之課宸綸甚渥俾居四品之官拜

命增榮撫躬知懼

中謝

伏念臣才非適用仕止為貧幸

逢揖遜之朝寢冒論思之列久司封駁徒積悔尤親覩

龍飛實專內外之制旋升駕綴更兼文武之銓爰揣分

之易盈以治民而自詭母既登于大臺身亦覺于倦游

力請投閒仰蒙從欲江湖麤足久甘漁者之爭限簪履

弗遺深媿廩人之繼粟方奪榮之是懼何增秩之敢言

漢詔聿頒尚得從大夫之後隋官平進猶使陪廷議之
餘茲蓋伏遇皇帝陛下圖大澤中謹微接下幽明攷績
一付有司之公日月為功俯及從臣之舊有如衰廢亦
玷褒遷臣敢不仰佩鴻私愈堅晚節與之三釜方承戲
綵之歡加以數年祈遂懸車之願

謝再任宮觀表

孤蹤去國六換歲華明命臨門五叨祠廩積素餐而自
媿拜黃牒以知歸

中謝

伏念臣處世最踈逢時多幸把

麾江海因得遂於歸耕聽履星辰今殆成于昨夢賤齒
已開於七秩親年既越於九齡無由陳力于清朝祇合
投閒于故里先疇至薄歎微祿之未忘吏政將更驚俞
音之渚及豈止寬憂煎于數口又將竊溫飽于二年有
何勞能蒙此撫養茲蓋伏遇皇帝陛下躬操八柄坐制
萬方念筆橐之舊臣雖無可錄軫蓋惟之至意尚爾不
遺使仍香火之緣以遂山林之適臣敢不祇承恩渥涵
泳化風菽水有餘得效萊衣之戲雲霄在望惟存魏闕

之心

謝復職表

四年負譴尚玷從臣之階一札疏恩復還學士之直周

章拜賜感激為榮

中謝

伏念臣愚不知方志徒泥古項

更郡寄嘗辱賜環屢玷朝行寢叨持橐代言批敕曾何

有于論思約史侍經每自慙于玩愒典銓未幾懷綬以

歸尋力請于真祠仍寓班於內閣致煩言之俯及甘暮

景之宜休敢意矜存曲加收拭特寬漢律申畀文謨深

憐為養之勲又予祝釐之祿從天而下撫已尤驚茲蓋
伏遇皇帝陛下大度兼容至仁善貸謂臣親逢初政曾
廁衆賢之後陳察臣自訟宿愆不忍一眚而終棄爰軫
蓋帷之念未嘗簪履之遺臣敢不祇戴寵光日思報稱
奉百歲之無益增萊子之歡誦萬年之詩願效封人之
祝

賀瑞慶節表

嘉泰
三年

踐阼十年益啓昇平之運逢辰千載又更震風之期兆

姓交歡一心同戴

中賀

恭惟皇帝陛下儲神淵靜流化

儉慈仰列聖之好生守為家法視四方而兼愛務得民心坐凝稽古之勲增衍後天之筭臣屏居海嶠遙睇宸廷見黃河千里一曲之清第勤善頌效嵩嶽萬歲三呼之祝莫預周行

謝再任宮觀表

一收朝蹟分老瀛壖六畀祠宮誠知帝寵顧胡顏而亟拜徒空食以懷慙

中謝

伏念臣晚幸偷安近尤多病四

夫而三痛楚幾遂作于廢人十日而九呻吟惟退量于
薄命第以慈親之待養曾無他計以謀生尚存未盡之
年更望無功之祿仰於洪造方局地以靡遑敢謂隆寬
俄自天而賜允里閭改觀毫穉交歡共瞻新渥之光榮
又獲全家之飽煖即衡門而被寵望宸極以銜恩茲蓋
伏遇皇帝陛下大度海涵至仁天覆俯憐簪履之舊未
忍遐遺又與升斗之餘使能麤給豈止一人之受惠實
令羣下之歸心臣敢不强整衰殘愈思感勵奉琳宮之

香火每自處於幸民掛神武之衣冠冀終全於晚節

謝落職表

孤臣失察盡寘大呵上聖隆寬止從薄責俄自天而有

命幾無地以容身

中謝

伏念臣生則多艱仕皆過分幸

遇千齡之會寢叨八座之聯歸奉祠庭猶寓西清之直
坐縻廩粟不勞南畝之耕頃蒙乘障之除庸示起家之
寵方循牆而引避痛陟屺以纏悲顧平時藏拙之最深
矧存歲執喪而致毀猥緣親黨非意相干不善防閑自

貽伊戚仰公朝之矜恕念舊物之顛連褫學士之班再
斯可矣使臣工之肅其在茲乎迨釋服以及朝敢陳詞
而謝罪慈蓋伏遇皇帝陛下冕旒無蔽簪履不遺以天
地之心為心何止國君含垢之意謂兄弟之子猶子真
得聖人觀過之仁遂於危蹤止用輕典臣敢不闔門念
咎望闕歸恩三黜何言但有動心忍性之戒餘生無幾
徐上引經告老之章

謝龍圖閣直學士致仕表

致大夫之仕仰賴矜從進學士之班弗容避免念餘齡之無幾幸晚節之苟全量小已盈感深至泣

中謝

伏念

臣學徒泥古才匪適時三列皂衣寢叨嚴近久塵青瑣遂積怨仇敢自詭以治民為專求于奉母侵尋一紀孤苦再期耄矣無能每媿祝釐之廩仕焉而已況逢告老之期洊貢封章遠授君父喜下情之上達荷人欲以天期誥頒東海之濱職峻西清之直鹿車還里難忘貧賤之時龍馬負圖乃畀衰殘之候何夢寐之敢及亦家世

之所無茲非幸歟不翅足矣茲蓋伏遇皇帝陛下德新
惟日仁覆如天俯眷么微忝螭陛隨班之舊更憐骭骸
當龍飛草詔之初尚問生全不忍遐棄聿頒茂渥式賁
窮途臣敢不內誓丹心益堅素節退人以禮已增鏤骨
之私教子以忠使效捐軀之報

謝落致仕除翰林學士表

代庖倖直又見卯年之周視草為真復塵乙夜之覽撫
危蹤而何幸尋故步以知慙

中謝

竊以詞禁遽嚴宸居

密通有直諒多聞之益乃可預于論思為溫厚爾雅之
文始宜司於播告鼓風雷之大號增日月之末光匪得
英髦曷勝遴選伏念臣學惟涉獵才乏菁華頃載筆于
螭坳尋演綸於鳳閣以先朝之門客為天子之私人方
成王訪落之初預聞國論逮漢家更化之始首被召音
惟投閒一紀之餘且告老三時之久茲以晚節衰殘之
迹參內朝供奉之班念齊國之世臣所存無幾歎元和
之學士不謂重來茲蓋伏遇皇帝陛下思任舊人聿修

庶政朝綱日振急聞忠藎之言疆事未寧尤務坦明之制遂令庸陋亦玷招延臣敢不修葺蕪詞仰裨藻飾尚祈聖度俯矜草芥之微終俾周年遂逐桑榆之晚

謝吏部尚書兼翰林學士侍讀修史表

比蒙召節趣歸紫橐之班疊被恩綸盡復青氎之物德有乾坤之重身同淵谷之危

中謝

竊以才不可以強為

人當知于自度非山濤之識量豈足典銓必陸贄之文章始堪視草露門贊緝熙之益虎觀資潤色之工曾未

能其一焉奚可兼茲四者伏念臣既衰無用已試罔功
屏居一紀之餘且經告老入對九重之下恍若更生而
乃冒選部之真除尋禁林之故步進讀清閒之燕充員
筆削之間敢言眼赤之何時深媿汗青之無日身章愈
煥轡飾增華儒生之為祠臣誤辱公朝之寵天子以賜
學士尤加暮景之榮茲蓋伏遇皇帝陛下政務惟新人
先求舊取之數路宜廣擇于時髦備于一夫恐徒妨夫
捷徑凌兢拜命顛墮知慙臣敢不勉策庸愚仰酬睿獎

掌選而分文武詎敢辭勞重車以示子孫終期得謝

辭免簽書樞密院事表

誤恩下逮俾綴通聯遜牘上陳未頒俞旨仰冒蓋高之
聽不嫌再瀆之煩

中謝

恭惟累朝特重右府豈獨無三

軍五兵之本抑使聞一日萬幾之微才則甚難官何必
備顧愚臣之無取荷上聖之深知起之掛冠間廢之餘
處以持橐清華之舊強顏寢久告老未諧尚不堪朝夕
之論思何以裨夙夜之宥密進寓承明之直更列元良

之賓揣已奚堪逾涯莫甚欲望皇帝陛下俯垂淵鑒洞
察忱衷念已迫于桑榆盍居閒地儻未遺于簪履姑置
從班別求經濟之材以翌昇平之運

謝簽書樞密院事表

銓部為真猶未經于滿歲機廷筮式乃遽辱于頒恩遜
避靡遑周章增惕中謝竊以官莫崇于執政職尤重于
本兵必求文武之全才以任國家之重事邊圉甫定尚
勤宵旰之憂邦域以寧允藉弼諧之助豈應疲卒可預

幾微如臣者資實腐儒仕叨法從由久司于封駁故多
積于怨仇十載歸閒仰戴乾坤之施一朝收召復觀日
月之明不堪聽履之華伏上垂車之請敢期誤渥俾贊
洪樞血氣既衰止合奉身而去軍旅未學曷贊基命之
嚴玷書殿之清班忝儲局之下客被繡韜于上駟束鏐
帶于襲衣采食有加寵榮已甚茲蓋伏遇皇帝陛下人
惟求舊政務圖新謂代言于受禪之初未忘孤迹追趣
職于更化之始深鑒週年豈云衍業之可稱蓋自眷私

之過厚遂容僥幸倍切凌兢臣敢不深感隆恩愈堅晚節老當益壯固欲殫報主之忠耄矣無能終恐負知人之咎

謝皇太子牋

謬參樞筦仍污紫殿之班兼預儲賓始下青宮之拜以榮為懼得寵若驚

中謝

伏念某少也無奇晚將焉用掛

冠而去真成治世之幸民扶杖以觀親覩大君之更化首祇嚴召重覲清光俾視草于鑾坡旋典銓于選部露

門進讀冊府細書舊物復還空積妨賢之愧故山在望
但祈得謝而歸敢冀明倫擢登右府致此血氣既衰之
迹廁于衣冠甚偉之中揣已奚堪荷恩有自茲蓋伏遇
皇太子殿下惟中玉粹學振金聲子職日供肅侍凝旒
之側官僚妙選誤收華髮之餘某敢不益勵駑才用酬
鴻造退憐已老莫能陪宥密之司勉訟所聞庶或補溫
文之德

辭免同知樞密院事表

宥府選寮忽叨再命需章避寵尚闕一俞爰洊瀆于宸
聰冀終回于渙渥

中謝

伏念臣引經納祿奉詔還朝始

膺典選之除適預和戎之議既不能出奇策以強國勢
又不敢抗高論以竊時名深為世務之宜遂定從官之
論鄰盟已講邊備粗寬魏絳何功姑欲就懷戎之得利
張昭雖老當使知將相之有人賴聖慈俯徇于和親在
臣下盍為之引咎自媿寡謀之甚難陪基命之司殆無
地以寄顏惟竭誠而報主日圖內治之要未知所先靡

厭衆言之求尚不暇給有何勞效遽被推遷不勝據疾
之憂徒謹循牆之走伏望皇帝陛下俯垂淵鑒洞察愚
衷豈惟微臣懷以榮為懼之恐仰祈睿筭篤居安慮危
之心精求文武之才用贊樞密之任

謝同知樞密院事表

遷宥密之班未知圖報拜便蕃之渥弗許終辭自揆僥

逾實深感惕

中謝

竊以皇家嚴二府之建任固匪輕機

庭分四等之差官毋求備賢相並兼于使領副樞足贊

于事幾既曰才難豈容序進伏念臣少無可用老尚何堪扶病以對便朝幸不違于咫尺強顏而居舊著顧奚補于毫分假寵已多旬間未得敢謂七旬之後冒叅兩地之榮畀興國熙奏之官已為過分加淳化寇準之職尤媿無名偶緣廷告之同時因與政達而接踵在法當從既超筆橐之聯計日而言僅周天地之數併增采食洊被匪頒茲蓋伏遇皇帝陛下懋建大中丕乘興運謂股肱所寄方彙進于時髦雖筋力既衰亦使陪于末議

未遑席暖復俾陞升臣敢不仰戴隆私益堅素守邊陲
甫定願裨內治之謀里社相望期遂歸休之請

辭免叅知政事表

進參政柄誠出誤恩冒貢遜函未回淵聽渚布懇祈之
切敢辭俯偃之恭

中謝

伏念臣才不逮中身今既老十

載排根之已甚實倍費于保全一朝收召而復還又屢
叨于褒擢非敢忘知止之義蓋欲堅圖報之心今則疾
疢交侵徒強顏而自覲年齡云邁顧納祿之未能使在

旬月之間稍有毫釐之補序遷而上已分已適而況據案牘而書名雖具員而益愧對冕旒而奏事無長策之可陳誤寵所加羣言必駭欲望皇帝陛下念經綸之事重思輔贊之才難別選英髦俾作調元之助毋容衰瘁更貽濫吹之譏或畀舊班俯存孤迹

謝參知政事表

充貳樞庭方慙玩愒晉陪宰路遽被推遷倍深臨谷之危莫遂循牆之請

中謝

竊以朝廷建輔號天子之四鄰

政事參聞下丞相之一等定名稱于乾德復官制於建
炎必求異能乃副隆委伏念臣顏齡景迫壯志日彫再
掌吏銓但守停年之格濫居宥府未寬思職之憂雖粗
竭于謏才終莫裨于末議負二宜去有七弗堪宿恙漸
侵將顧天而致禱誤恩狎至真踏地以靡遑況秉鈞當
軸之虛負而知印押班之分日兼與漢章之約仍從商
皓之游命服匪頒復賜天閑之駿爰田增衍更開公社
之封昔在本兵尚為僥冒茲叨助理尤懼曠廢茲蓋伏

遇皇帝陛下盛德又新至誠樂與折衝禦侮坐底于外
寧聚精會神力先于內治揀求俊乂置在弼諧聿令衰
退之蹤亦忝延登之數臣敢不益殫愚慮仰贊宏規曰
都曰俞願竊慕賡歌之喜知足知止庶幾從告老之私

政薹集卷十七